





楊子序

韓文公稱荀子以為在軻雄之間又曰孟子醇乎醇者也荀與楊大醇而小疵三子皆大賢祖六藝而師孔子孟子好詩書荀子好禮一楊子好易古今之人共所宗仰如光之愚固不敢議其筆差然楊子之生最後監於二子而折衷於聖人潛心以求道之極致至于白首然後著書故其所得為多後之立言者莫能加也雖未能无小疵然其所潛最深矣恐文公所云亦未可以為定論也孟子之文直而顯荀子之文富而麗楊子之文簡而奧唯其簡而奧也故難知學者多以為諸子而忽之光少好此書研精竭慮歷年已多今老矣計智識所及無以復進竊不自揆輒采諸



家所長附以已意名曰集註凡觀書者當先正其文辨其音然後可以求其義然此特愚心所安未必皆是真來者擇焉元豐四年十一月己丑涑水司馬光序



楊子法言

雄見諸子各以其知舛馳大氏詆訾聖人卽爲怪迂析辭詭辭以挽世事雖小辯終破大道而惑衆使弱於所聞而不自知其非也及太史公記六國歷楚漢訖麟止不與聖人同是非頗謬於經故人時有問雄者常用法應之譔以爲十三卷象論語號曰法言

學行篇

天降生民倥侗頽蒙恣于情性聰明不開訓諸理譔學行學行之上也言之次也教人又其次也咸死焉爲衆人或曰人羨久生將以學也可謂好學已乎曰未之好也學不羨天之道不在仲尼乎仲尼駕說者也不在茲儒乎如將



良辰  
公輸般

復駕其所說則莫若使諸儒金口而木舌或曰學無益也  
如質何曰未之思矣夫有刀者礪諸有王者錯諸不礪不  
錯焉彼用礪而錯諸質在其中矣否則輟螟蠕之子殪而  
逢螺贏祝之曰類我類我父則肖之矣速哉七卜子之肖  
仲尼也學以治之思以精之朋友以磨之名譽以崇之不  
倦以終之可謂好學也已至孔子習周公者也顏淵習孔  
子者也羿逢蒙分其弓良於其策般投其斧而習諸孰曰  
非也或曰此名也彼名也虛心一焉而已矣曰川有瀆山有  
嶽高而且大者衆人所不比肥喻也或問世言鑄金金可鑄  
歟曰吾聞觀君子者問鑄八不問鑄金或曰人可鑄歟曰  
孔子鑄顏淵矣或人取爾曰旨哉問鑄金得鑄人學者所

精  
作伺  
童子  
無知者

湯漸  
水漸  
易

以齊性也視聽言貌思性所有也學則正否則邪師哉師  
哉桐子之命也務學不如務求師師者人之模範模不模  
範不範為不少矣一闕之市不勝異意焉一卷之書不勝  
異說焉一閱之市必立之平一卷之書必立之師習乎習  
以習非之勝是也況習是之勝非乎於戲學者審其是而  
已矣或曰焉知是而習之曰視日月而知衆星之蔑也仰  
聖人而知衆說之小也孟子之為王者事其已久矣堯舜禹  
湯文武汲汲仲尼皇皇廿六已矣矣或問進曰水或曰為其  
不捨晝夜歟曰有是哉世而後漸者其水乎或問鴻漸曰  
非其往不往非其居不居漸猶水乎請問木漸曰止於下  
而漸於上者其木也哉亦猶水而已矣吾未見好斧藻其



德若斧也。其察者歟。鳥獸觸其情者也。眾人則異乎。賢人則異於人矣。聖人則異於賢人矣。禮義之作有以矣。夫而不學雖無憂如禽何。學其所以求為君子也。求而不得者有矣。夫未有不求而得之者也。晞驥之馬亦驥之乘也。晞顏之人亦顏之徒也。或曰顏徒易乎。晞之則是曰昔顏常晞夫子矣。正考甫常晞尹吉甫矣。公子奚斯常晞正考甫矣。如不欲晞則已矣。如欲晞執鞭焉。或曰書與經同而世不尚治之可乎。曰可。或人亞爾矣。曰須以發策決科。曰大人之學為道也。小人之學為利也。子為道乎。為利乎。或曰耕不獲獵不饗。耕獵子曰耕道而得道猶德而得德。是獲饗也。吾不觀參辰之相比也。是以君子貴遷善遷善也者。

聖人之徒歟。百川學海而至于海。丘陵學山而不至于山。是故惡夫畫也。頻頻之黨甚於鷓斯。亦賊天糧食而已矣。朋而不心。面朋也。友而不心。面友也。或謂子之治產不如丹圭之富。曰吾聞先生相與言則以仁與義。市井相與言則以財與利。如其富如其義。或曰先生生無以養。死無以葬。如之何。曰以其所以養。養之至也。以其所以葬。葬之至也。或曰荷頰之富以為孝。不亦至乎。顏其餒矣。曰彼以其粗。顏以其精。彼以其回。顏以其貞。顏其劣乎。顏其劣乎。或曰使我紆朱懷金。其樂不可量也。曰紆朱懷金之樂不如顏氏子之樂。顏氏子之樂也。內紆朱懷金之樂也。外或曰請問屢空之內。曰顏不孔。雖得天下不足以為樂。然亦有



苦乎曰頽苦孔之卓也。或人瞿然曰：茲苦也。祇其所以爲樂也歟？曰：有教立道無心，仲尼有學術業無心，顏淵或曰立道，仲尼不可爲思矣。術業顏淵不可爲力矣。曰：未之思也。孰禦乎焉。

吾子篇

降周迄孔成于子道，然後誕章乖離。諸子圖徽，誤吾子，或問吾子少而好賦，曰：然。童子彫蟲篆刻，俄而曰：壯夫不爲也。或曰：賦可以諷乎？曰：諷則已，不己，吾恐不免於勸也。或曰：霧縠之組麗，曰：女工之蠹矣。劍客論曰：劍可以愛身，曰：徑行使人多禮乎？或問景差、唐勒、宋玉枚乘之賦也，益乎？曰：必也。淫淫則亦何？曰：詩人之賦麗，以則辭人之賦麗，以

樂師明師也

淫如孔氏之門用賦也，則賈誼升堂，相如入室矣。如其用何？或問蒼繩紅紫，曰：明視。問鄭衛之似，曰：聰聽。或曰：朱曠不世如之何？曰：亦猜之而已矣。或問交五聲十二律也，或雅或鄭何也？曰：中正則雅，多哇則鄭。請問本，曰：黃鍾以生之中正，以平之，確乎鄭衛不能入也。或曰：文有色，書亦有色乎？曰：有。女惡華丹之亂窈窕也，書惡淫辭之泯法度也。或問屈原智乎？曰：如玉如瑩，愛變丹青，如其智。或曰：君子尚辭乎？曰：君子事之爲尚，事勝辭則仇，辭勝事則賦。事辭稱則經，足言足容，德之藻矣。或問公孫龍詭辭，數萬以爲法，法歟？曰：斷木爲棊，抗革爲鞠，亦皆有法焉。不合乎先王之法者，君子不法也。觀書者，譬諸觀山及水，升



也

東嶽而知衆山之崩施也。况介丘乎。浮滄海而知江河之惡沱也。况枯澤乎。捨舟航而濟乎。瀆者末矣。捨五經而濟乎。道者末矣。弃常珍而嗜乎異饌者。惡覩其識道也。山崕之蹊不可勝由矣。向牆之戶不可勝入矣。曰惡由入。曰孔氏。孔氏者戶也。曰子戶乎。曰戶哉。戶哉。吾獨有不戶者矣。或欲學蒼頡。史篇曰。史乎。史乎。愈於妄闕也。或曰有人焉。自姓孔而字仲尼。入其門。升其堂。伏其几。襲其裳。則可謂仲尼乎。曰其文是也。其質非也。敢問質。曰羊質而虎皮。見草而說。見豺而戰。忘其皮之虎也。聖人虎別。其文炳也。君子豹別。其文蔚也。辨人狸別。其文萃也。狸變則豹。豹變則虎。好書而不要。諸仲尼書肆也。好說而不見。諸仲尼說也。

也。君子言也。無擇聽也。無滯釋則亂。溢則辟。述正道而稍邪。哆者有矣。未有述邪。哆而稍正也。孔子之道。其較且易也。或曰童而習之。白紛如也。何其較且易。曰謂其不姦姦不詐詐也。如姦姦而詐詐。雖有耳目。焉得而正。諸多聞則守之以約。多見則守之以卓。寡聞則無約也。寡見則無卓也。綠衣三百色。如之何矣。紵絮三千寒。如之何矣。君子之道。有四易。簡而易用也。要而易守也。炳而易見也。法而易言也。震風凌雨。然後知夏屋之為併。蒙也。虐政虐世。然後知聖人之為郭郭也。古者楊墨塞路。孟子辭而闕之。廓如也。後之塞路者有矣。竊曰。比於孟子。或曰人各是其所是。而非其所非。將誰使正之。曰萬物紛錯。則懸諸天。衆言淆



亂則折諸聖或曰惡視乎聖而折諸曰在則人亡則書其  
視一也

修身篇

事有本真陳苑于意動不克成本諸身誤修身以為  
言廢思以為夫立義以為的莫而後發發必中矣人之性  
也善惡混循其善則為善人脩其惡則為惡人氣也者所  
適善惡之馬也歟或曰孔子之事多矣不用則亦勤且憂  
乎曰聖人樂天知命樂天則不勤知命則不憂或問銘曰  
銘哉銘哉有意於慎也聖人之辭可為也使入信之所不  
可為也是以君子彊學而力行珍其貨而後市脩其身而  
後交善其謀而後動成道也君子之所慎言禮書上交不

也  
都高

誦下交不驕則可以有為矣或曰君子自守奚其交曰天  
地交萬物生人道交功勳成奚其守好大而不為大不大  
矣好高而不為高不高矣仰天庭而知天下之居卑也哉  
公儀子董仲舒之才之邵也使是善不明用心不剛儔克  
爾或問仁義禮智信之用曰仁宅也義路也禮服也智燭  
也信符也處宅由路正服明燭執符君子不動動斯得矣  
有意哉孟子曰夫有意而不至者有矣未有無意而至者  
也或問治已曰治已以仲尼或曰治已以仲尼仲尼奚寡  
也曰率焉以騏不亦可乎或曰田甫田者莠喬喬思遠人  
者心切切曰日有光月有明三年不日日視必盲三年不  
日月精必矇矣曠枯糶李曠沈摘埴索塗冥行而已矣



好也

或問何如斯謂之人曰取四重去四輕則可謂之人曰何謂四重曰重言重行重貌重好言重則有法行重則有德貌重則有威好重則有觀敢問四輕曰言輕則招憂行輕則招辜貌輕則招辱好輕則招洛禮多儀或曰日昃不食肉肉必乾日昃不飲酒酒必酸賓主百拜而酒三行不已華乎曰實無華則野華無實則史華實則禮山雌之肥其意得乎或曰回之簞瓢臞如之何曰明明在上百官牛羊亦山雌也閑閭在上簞瓢掉茹亦山雌也何其臞于鈞之輕烏獲力也簞瓢之樂顏氏德也或問犁牛之鞮與玄駢之鞮有以異乎曰同然則何以不犁也曰將致孝乎鬼神不敢以其犁也如剗羊刺豕罷賓犒師惡在犁不犁也

臞也

檢法

有德者好問聖人或曰魯人鮮德奚其好問仲尼也曰魯未能好問仲尼故也如其好問仲尼則魯作東周矣天下有三檢衆人用家檢賢人用國檢聖人用天下檢天下有三門由於情欲入自禽門由於禮義入自人門由於獨智入自聖門或問士何如斯可以提身曰其爲中也弘深其爲外也肅括則可以提身矣君子微慎厥德悔吝不至何元傲之有上士之耳訓乎德下士之耳訓乎已言不慙行不恥者孔子憚焉

元傲也

問道篇

芒芒大道昔在聖考過則失中不及則不至不可姦周誤問道或問道曰道也者通也無不通也或曰可以通伯歟



曰適堯舜文王者爲正道非堯舜文王者爲佗道君子正而不佗或問道曰道若塗若川車航混混不捨晝夜或曰焉得直道而由諸曰塗雖曲而通諸夏則由諸川雖曲而通諸海則由諸或曰事雖曲而通諸聖則由諸乎道德仁義禮磬諸身乎天道以導之德以得之仁以人之義以宜之禮以體之天也合則渾離則散一人而兼統四體者其身全乎或問德表曰莫知作上作下請問莫知曰行禮於彼而民得於此奚其知或曰孰若無禮而德曰禮體也人而無禮焉以爲德或問天曰吾於天歟見無爲之爲矣或問彫刻衆形者匪天歟曰以其不彫刻也如物刻而彫之焉得力而給諸老子之言道德吾有取焉耳及槌提仁義

絕滅禮學吾無取焉耳吾焉開明哉惟聖人爲可以開明

佗則奈大哉聖人言之至也開之廓然見四海閉之闇然不覩絜之義聖人之言似於水火或問水火曰水測之而益深窮之而益遠火用之而彌明積之而彌壯允治天下不待禮文與五教則吾以黃帝堯舜爲堯贊或曰太上無法而治法非所以爲治也曰鴻荒之世聖人惡之是以法始乎伏羲而成乎堯匪伏匪堯禮義有有聖人不取也或問八荒之禮禮也樂也孰是曰殷之以中國或曰孰爲中國曰五政之所加七賦之所養中於天地者爲中國過此而往人也哉聖人之治天下也疑諸以禮樂無則禽異則貉吾見諸子之小禮樂也不見聖人之小禮樂也孰有書

也允值也



也星

嬰積

不由筆言不由舌吾見天  
 也夫智用不用益不益則  
 之為則禮由已或問大聲  
 盈尸諸聖或問道有因無  
 為曰美為哉在昔虞夏  
 著垂拱而視天民之阜也  
 度廢禮樂虧安坐而視天  
 耳日惟其死也聞也見則  
 民使其目見耳聞是以視  
 雖有民焉得而塗諸或問  
 或問太古德懷不禮懷  
 見慕胸情從焉以禮曰嬰積乎

嬰積身懷不父懷母懷愛也父懷故也  
 父母之慈也但許之矣曰但許之計不  
 也曰不戰而屈人兵堯舜也靈項漸  
 石者其但許乎或問但許與亡孰愈  
 師則誰使曰御得其道則天下但許  
 天下但許咸作敵故有天下者審其御  
 諸侯項於征歟但許之力也如其亡曰  
 詐可也夫若威震諸侯而不須但許也  
 以征乎曰縱不得不征不有司焉法乎  
 之術不仁之至矣若何牛羊之用人  
 狸蟻不腰臘也歟或曰刀不利筆不  
 而獨加諸砥不

卷之三

論語

卷之三

卷之三











書則作育而不苗者吾家之童烏乎九齡而與我玄夫或曰玄何為曰為仁義曰孰不為仁孰不為義曰勿難也而已矣或問經之難易曰存亡或人不論曰其人存則易亡則難延陵季子之於樂也其庶矣乎如樂弛雖札末如之何矣如周之禮樂庶事之備也每可以為不難矣如秦之禮樂庶事之不備也每可以為難矣衣而不裳未知其可也裳而不衣未知其可也衣裳其順矣乎或問文曰訓問武曰克未達曰事得其序之謂訓勝已之私之謂克為之而行動之而先者其德乎或曰知德者鮮何其光曰我知為之不我知亦為之歟光大矣必我知而為之光亦小矣或曰君子病沒世而無名蓋勢諸名卿可幾也曰君子德

名為幾梁齊趙楚之君非不富且貴也惡乎成名谷口鄭子真不屈其志而耕乎巖石之下名震于京師豈其卿豈其卿或問人曰難知也曰焉難曰太山之與螻蟻江河之與行潦非難也大聖之與大佞難也嗚呼能參以似者為無難或問鄒莊有取乎曰德則取愆則否何謂德愆曰言天地人經德也否愆也

問明篇

明哲煌煌旁燭無彊遜于不虞以保天命譔問明或問明曰微或曰微何如其明也曰微而見之明其詩乎聰明其至矣乎不聰實無耳也不明實無目也敢問大聰明曰眩眩乎惟天為聰惟天為明夫能高其目而下其耳者匪天



也疾忘

也夫或問小每知之可謂師乎曰是何師歟是何師歟天下小事為不少矣每知之是謂師乎師之貴也知大知也小知之師亦賤矣孟子疾過我門而不入我室或曰亦有疾乎曰撫我華而不食我實或謂仲尼事彌其年蓋天勞諸病矣夫曰天非獨勞仲尼亦自勞也天病乎哉天樂天聖樂聖或問鳥有鳳獸有麟鳥獸皆可鳳麟乎曰羣鳥之於鳳也羣獸之於麟也形性豈羣人之於聖乎或曰甚矣聖道無益於庸也聖讀而庸行蓋去諸曰甚矣子之不達也聖讀而庸行猶有聞焉去之阮也阮秦者非斯乎投諸火或問人何尚曰尚智曰多以智殺身者何其尚曰昔臯陶以其智為帝謨殺身者遠矣箕子以其智為武王陳洪

長時  
也嘆  
時之  
易去  
言能  
小

範殺身者遠矣仲尼聖人也或劣諸子貢子貢辭而精之然後廓如也於戲觀書者違子貢雖多亦何以為慎哉成湯丕承也文王淵懿也或問丕承曰由小致大不亦丕乎革夏以天不亦承乎淵懿曰重易六爻不亦淵乎且以光大不亦懿乎或問命曰命者天之命也非人為也人為不為命請問人為曰可以存亡可以死生非命也命不可避也或曰顏氏之子冉氏之孫曰以其無避也者立巖墻之下動而微病行而招死命乎命乎吉人凶其吉凶人言其凶辰乎辰曷來之遯去之速也君子競諸壽言敗俗諱好敗則姑息敗德君子謹於言慎於好亟於時善不見震風之能動龍耳曠也或問君子在治曰若鳳在亂曰若鳳或人



雨澤  
勝令  
二人  
高侯  
孫和  
氏王

不論曰未之思矣曰治則見亂則隱鴻飛冥冥弋人何慕  
焉鷦明蓬萊食其繁者矣鳳鳥踳踳匪堯之庭亨龍潛升  
其貞利乎或曰龍何可以貞利而亨曰時未可而潛不亦  
貞乎可而升不亦利乎潛升在己用之以時不亦亨乎或  
問活身曰明哲或曰童蒙則活何乃明哲乎曰君子所貴  
亦越用明保慎其身也如庸行窮路衝衝而活君子不貴  
也楚兩龔之繁其清矣乎蜀莊沉冥蜀莊之才之珍也不  
作苟見不治苟得久幽而不改其操雖隋和何以加諸舉  
茲以旃不亦寶乎吾珍莊也居難為也不慕由即夷矣何  
甕欲之有或問堯將讓天下於許由由恥有諸曰好大者  
為之也顧由無求於世而已矣允哲堯懼舜之重則不輕

焉

於由矣好大累克巢父灑耳不亦宜乎靈場之威宜夜矣  
乎朱鳥翔翔歸其肆矣或曰奚取於朱鳥哉曰特來則來  
特往則往能來能往者朱鳥之謂歟或問韓非作說難之  
書而卒死乎說難敢問何反也曰說難蓋其所以死乎曰  
何也曰君子以禮動以義止合則進否則退確乎不憂其  
不合也夫說人而憂其不合則亦無所不至矣或曰說之  
不合非憂邪曰說不由道憂也由道而不合非憂也或問  
者曰旁明厥思問行曰旁通厥德

寡見篇

假選言周于天地贊于神明幽弘橫度絕于邇言譏寡見  
吾寡見人之好假者也邇文之視邇言之聽假則何焉或

也



曰焉若茲之甚也。先王之道滿門曰不得已也。不得已則已矣。得已而不已者寡哉。好盡其心於聖人之道者君子也。人亦有好盡其心矣。未必聖人之道也。多聞見而識乎正道者。至識也。多聞見而識乎邪道者。迷識也。如賢人誦之美也。誦人而從道。如小人謀之不美也。誦道以從人。或問五經有辯乎。曰惟五經爲辯。說天者莫辯乎易。說事者莫辯乎書。說體者莫辯乎禮。說志者莫辯乎詩。說理者莫辯乎春秋。捨斯辯亦小矣。春木之苞兮。援我手之鶉兮。去之五百歲其人若存兮。或曰。譎譎者天下皆訟也。奚其存。曰。曼言廷爲也。天下之亡聖也久矣。呱呱之子。各識其親。譎譎之學。各習其師。精而精之。是在其中矣。或曰。良玉不彫。美

言不文。何謂也。曰玉不彫。璣璠不作器。言不文。典謨不作經。或問司馬子長有言曰。五經不如老子之約也。當年不能極其變。終身不能究其業。曰。若是則周公或孔子賊。古者之學。耕且養。三年通一經。今之學也。非獨爲之華藻也。又從而繡其擊悅。要在老不老也。或曰。學者之說可約邪。曰。可約解科。或曰。君子聽聲乎。曰。君子惟正之聽。荒乎淫。佛譚乎正沈而樂者。君子弗聽也。或問侍君子以博乎。曰。侍坐則聽言。有酒則觀禮。焉事博乎。或曰。不有博奕者乎。曰。爲之猶賢於已爾。侍君子者。賢於已乎。君子不可得而侍也。侍君子。晦斯光。窒斯通。亡斯有。辱斯榮。敗斯成。如之何。賢於已也。鷦羽冲天。不在六翮乎。拔而傳尸鳩。其累矣。



夫雷震乎天，風薄乎山，雲徂乎方，雨流乎淵，其事矣乎。魏武侯與吳起浮於西河，寶河山之固，起曰：「在德不在固。」曰：「美哉言乎！使起之兵，每如斯則太公何以加諸？」或問周賈九鼎寶乎？曰：「器寶也。」器寶待人而後寶。齊桓晉文已下，至於秦兼其無觀已，或曰：「秦無觀矣。」其兼曰：「所謂觀觀德也。」如觀兵，開闢以來未有秦也。或問魯用儒而削何也？曰：「魯不用儒也。」昔在姬公用於周，而四海皇皇莫抗于京。孔子用於魯，齊人章章歸其侵疆，魯不用真儒故也。如用真儒，無敵於天下，安得削浩浩之海，濟樓航之力也？航人無楫，如航何？或曰：「奔壘之車，沉流之航，可乎？」曰：「否。」或曰：「焉用智？」曰：「用智於未奔流，大寒而後索衣裘，不亦晚乎？乘國者，其如乘航乎？航安則人斯安矣。惠以厚下，民忘其死，忠以衛上，君念其責，自後著人先之，自下者人高之，誠哉是言也。」或曰：「弘羊推利而國用是，蓋推諸？」曰：「譬諸父子，為人父而摧其子，縱利如子何？卜式之云：不亦匡乎？或曰：「因秦之法，清而行之，亦可以攻乎？」曰：「譬諸琴瑟，鄭衛調，俾夔因之，亦不可以致蕭韶矣。或問處秦之世，抱周之書，益乎？」曰：「舉世寒，貂狐不亦煖乎？或曰：「炎之以火，沃之以湯，煖亦煖矣。」曰：「煖其煖哉！時亦有寒者矣，非其時而望之，亦不可以至矣。秦之有司，負秦之法度，秦之法度，負聖人之法度，秦弘違天地之道，而天地違秦亦弘矣。」

五百篇

七

七



聖人聰明淵懿，繼天授靈，冠乎羣倫，經諸範，讓五百，或問  
 五百歲而聖人出有諸，曰堯舜禹君臣也，而並文武周公  
 父子也，而處湯孔子數百歲而並，因往以推來，雖千一不  
 可知也。聖人有以擬天地而參諸身乎，或問聖人有訕乎，  
 曰有，曰焉訕乎，曰仲尼於南子所不欲見也，於陽虎所不  
 欲敬也，見所不見，敬所不敬，不訕如何，或曰衛靈公問陳  
 則何以不訕，曰訕身將以信道也，如訕道而信身，雖天下  
 不可為也。聖人重其道而輕其祿，眾人輕其道而重其祿，  
 聖人曰於道行，祿眾人曰於祿殖，歎昔者齊魯有大臣失  
 失其名，曰如所其大也，曰以恭通祭制君臣之儀，假先生  
 於齊魯所不能致者二人，曰若是則仲尼之開跡諸侯也。

非邪，曰仲尼開跡將以自用也，如委已而從人，雖有規矩  
 準繩焉，得而用之，或問孔子之時，諸侯有知其聖者歟，曰  
 知之，曰知之則曷為不用，曰不能，曰知聖而不能用也，可  
 得聞乎，曰用之則宜從之，從之則弃其所習，逆其所順，彊  
 其所劣，捐其所能，衝衝如也，非天下之至德孰能用之，或  
 問孔子知其道之不用也，則載而惡乎之，曰之後世君子，  
 曰賈如是不亦鈍乎，曰眾人愈利而後鈍，聖人愈鈍而後  
 利，關石聖而不慙，蔽天地而不恥，能言之類莫能加也，貴  
 無敵富無倫，利執大焉，或曰孔子之道不可小歟，曰小則  
 敗聖如何，曰若是則何為去乎，曰愛日，曰愛日而去何也，  
 曰由羣婢之故也，不聽政諫而不用，雉噓者吾於觀庸邪。



無為飽食安坐而厭觀也。由此觀之，夫子之日亦變矣。或曰：君子愛日乎？曰：君子仕則欲行其義，居則欲彰其道，事不厭教不倦焉，得日或問其有繼周者，雖百世可知也。秦已繼周矣，不待夏禮而治者，其不驗乎？曰：聖人之言天也，天妄乎？繼周者未欲泰平也，如欲泰平也，捨之而用佗道，亦無由至矣。赫赫乎日出之光，羣目之用也；渾渾乎聖人之道，羣心之用也。或問：天地簡易而聖人法之，何五經之支離？曰：支離蓋其所以為簡易也。已簡已易，焉支焉離？或曰：聖人無益於庸也，曰：世人之益者，倉廩也，取之如單仲尼神明也，小以成小，大以成大，雖山川丘陵草木鳥獸，裕如也，如不用也。神明亦未知之何矣。或問：聖人占天乎？曰：

齊魯  
德中  
石中  
善言  
星

明也  
星

占天也。若此，則史也，何異曰：史以天占人，聖人以人占天。或問：星有甘石，何如？曰：在德不在星。德隆則畧星，星隆則畧德也。或問：大人曰無事於小，為大人，請問小，曰：事非禮義為小。聖人之言遠如天，賢人之言近如地。瓏璽其聲者，其質玉乎？聖人矢口而成言，肆筆而成書，言可聞而不可殫，書可觀而不可盡。周之人多行秦之人多病，行有之也。病曼之也。周之士也貴，秦之士也賤。周之士也肆，秦之士也拘。月未望則載魄于西，既望則終魄于東，其遡於日乎？形弓驢矢，不為有矣。聆德前世，清視在下，鑑莫近於斯矣。或問：何如動而見畏？曰：畏人何如動而見侮？曰：侮人夫見畏與見侮無不由已。或問：禮難以彊世，曰：難故彊世。如夷侯



倨肆羈角之哺果而陷之矣其彊或性或彊及其名一也  
見弓之張兮弛而不失其良兮或曰何謂也曰撒之而已  
矣川有防器有範見禮教之至也經營然後知幹楨之克  
立也莊楊蕩而不法墨晏儉而廢禮申韓險而無化鄒衍  
迂而不信聖人之材天地也次山陵川泉也次鳥獸草木  
也

先知篇

立政鼓衆動化天下莫尚於中和中和之發在哲民情譏  
先知先知其幾於神乎敢問先知曰不知知其道者其如  
視忽眇繇作炳先甲一日易後甲一日難或問何以治國  
曰立政曰何以立政曰政之本身也身立則政立矣或問

爲政有幾曰思數或問思數曰昔在周公征于東方四國  
是王召伯述職蔽若甘棠其思矣夫齊桓公欲徑陳陳不  
果乃執袁濼濼其數矣夫嗚呼從政者審其思數而已矣  
或問何思何數曰老人老孤人孤病者養死者葬男子訟  
婦人柔之謂思若汗人老屈人孤病者獨死者逋田畝荒  
耕鞠空之謂數爲政日新或人敢問日新曰使之利其仁  
樂其義厲之以名引之以美使之陶陶然之謂日新或問  
民所勤曰民有三勤曰何哉所謂三勤曰政善而吏惡一  
勤也吏善而政惡二勤也政更駢惡三勤也禽獸食人之  
食土木衣人之帛殺人不足於晝絲人不足於夜之謂惡  
政聖人文質有也車服以彰之藻色以明之聲書以揚之

也擊

宗憲書院

易子

七



詩書以光之。還豆不陳，玉帛不分，琴瑟不鏗，鐘鼓不駟，吾則無以見聖人矣。或曰：以徃聖人之法治將來，譬猶膠柱而調瑟，有諸？曰：有之。曰：聖君少而庸君多，如獨守仲尼之道，是漆也。曰：聖人之法，未嘗不關盛衰焉。昔者堯有天下，舉大綱，命禹、湯，殷周屬其子，不膠者卓矣，唐虞象刑，惟明。夏后肉辟三千，不膠者卓矣，堯親九族，協和萬國，湯武桓桓，征伐四克，由是言之，不膠者早矣。禮樂征伐，自天子所出，春秋之時，齊晉實予，不膠者卓矣。或曰：入君不可不學，律令曰：君子為國，張其綱紀，謹其教化，導之以仁，則下不相賊，莅之以廉，則下不相盜，臨之以正，則下不相詐，修之以禮義，則下多德讓。此君子所當學也。如有犯法，則司獄在。或苦亂曰：綱紀曰：惡在於綱紀，曰：大作綱，小作紀，如綱不綱，紀不紀，雖有羅網，惡得一目而正諸？或曰：齊得夷吾而霸，仲尼曰：小器請問大器，曰：大器其猶規矩準繩乎？先自治而後治人之謂大器，或曰：正國何先？曰：躬工人績，或曰：為政先殺後教，曰：嗚呼！天先秋而後春乎？將先春而後秋乎？吾見玄駒之步，雉之晨，雖也。化其可以已矣哉！民可使覲德，不可使覲刑，覲德則純，覲刑則亂。象龍之致雨也，難矣哉！曰：龍乎？龍乎？或問政核，曰：真偽真偽，則政核。如真不真，偽不偽，則政事不核。鼓舞萬物者，其雷風乎？鼓舞萬民者，其號令乎？雷不一風不再，聖人樂天陶成天下之化，使入有士君子之器者也。故不遁于世，不離于羣，道離者

在。或苦亂曰：綱紀曰：惡在於綱紀，曰：大作綱，小作紀，如綱不綱，紀不紀，雖有羅網，惡得一目而正諸？或曰：齊得夷吾而霸，仲尼曰：小器請問大器，曰：大器其猶規矩準繩乎？先自治而後治人之謂大器，或曰：正國何先？曰：躬工人績，或曰：為政先殺後教，曰：嗚呼！天先秋而後春乎？將先春而後秋乎？吾見玄駒之步，雉之晨，雖也。化其可以已矣哉！民可使覲德，不可使覲刑，覲德則純，覲刑則亂。象龍之致雨也，難矣哉！曰：龍乎？龍乎？或問政核，曰：真偽真偽，則政核。如真不真，偽不偽，則政事不核。鼓舞萬物者，其雷風乎？鼓舞萬民者，其號令乎？雷不一風不再，聖人樂天陶成天下之化，使入有士君子之器者也。故不遁于世，不離于羣，道離者



是聖人乎。雖之不才，其卯嫩矣。君之不才，其民野矣。或曰：載使子草律，曰：吾不如弘恭。草奏曰：吾不如陳湯。曰：何為？曰：必也律不犯，奏不刻，甄陶天下者，其在和乎。剛則甄，柔則恆，龍之潛亢，不獲其中矣。是以過中則惕，不及中則躍。其近於中乎？聖人之道，譬猶日之中矣。不及則未，過則昃。什一天下之正也。多則桀，寡則貉。井田之田，田也。肉刑之刑，刑也。田也者，與衆田之刑也。者與衆弃之法，無限則庶人。田侯田，處侯宅，食侯食，服侯服，人亦多不足矣。為國不迪，其法而望其效，譬諸算乎。

重黎篇

時王辨重義和之官故揚子能重黎之論

仲尼以來，國君將相，卿士名臣，參差不齊，一槩諸聖，譏重

黎或問南正重司天，北正黎司地，今何條也？曰：近義近和

孰重孰黎，曰：義近重，和近黎。或問黃帝終始，曰：託也。昔者

妣氏治水土而坐步，多禹扁鵲，盧人也。而醫多盧，夫欲讎

偽者必假真，禹乎盧乎，終始乎，或問渾天曰：落下閔營之

鮮于，妄人度之，耿中丞象之，幾幾乎莫之能違也。請問蓋

天曰：蓋哉，蓋哉，應難未幾也。或問趙世多神何也？曰：神怪

茫茫若存若亡，聖人更云，或問子胥種蠶孰賢，曰：胥也。俾

吳作亂，破楚入郢，鞭尸籍館，皆不由德謀。越諫齊不式，不

能去平眼之種，蠶不種諫而山榑，俾其君詘社稷之靈，而

童僕又終弊英賢，皆不足邵也。至蠶策種而遁肥矣哉。或

問陳勝吳廣曰：亂曰不若，是則秦不亡，曰亡秦乎，恐秦未



咸六國皆屬秦具三者備也

亡而先亡矣或問六國並其已久矣一病一瘳迄始皇三載而咸時激地保人爭乎曰具請問事曰孝公以下疆兵力農以蠶食六國事也保曰東溝大河南阻高山西采雍梁北鹵涇渠便則中否則蟠保也激曰始皇方斧將相方乃六國方木將相方肉激也或問秦伯列為侯衛卒吞天下而越曾無以制乎曰天子制公侯伯子男也庸節節莫差於僭僭莫僭於祭祭莫重於地地莫重於天則襄文宣靈其兆也昔者襄公始僭西時以祭白帝文宣靈宗興廊密上下用事四帝而天王不匡反致文武胙是以四疆之內各以其力來侵攘肌及骨骸獨何以制秦乎或問嬴政二十六載天下擅秦秦十五載而楚楚五載而漢五十載

之際而天下三擅天邪人邪曰具周建子弟列名城班五爵流之十二當時雖欲漢得乎六國虫虫為羸弱姬平之屏營羸擅其政故天下擅秦秦失其歆罷侯置守守失其機天下孤賤項氏暴君改幸侯王故天下擅楚擅秦之月有漢細業山南發跡三秦追項山東故天下擅漢天也人曰彘才尚權右計左數動謹於時人也天不人不因人不天不成或問楚敗項下方死曰天也諒乎曰漢屈羸策羸策羸羸力楚敵羸策而自屈其力屈人者克自屈者負天焉豈焉或問秦楚既為天與命矣秦溢灞上楚分江西興廢何速也曰天無光德而廣明忒昔在有熊高陽高辛唐虞三代咸有顯德故天厭之為神明主且著在天辰是生



其之願也。厥後因父長若秦楚疆。問震撲於藉三正。播其  
虐於黎苗。子弟且欲喪之。況於民乎。况於鬼神乎。廢未遠  
也。或問仲尼大聖。則天曷不降。曰無土然。則舜禹有土乎。  
曰舜以堯作土。禹以舜作土。或問聖人表裏。曰威儀文辭。  
表也。德行忠信。裏也。或問義帝初矯。劉龔南陽。項救河北。  
二方分崩。一離一合。設亦得人。如何。曰人無為秦也。喪其  
德久矣。韓信燕布。皆無立南面稱孤。卒窮時戮。無乃勿乎。  
或曰勿則無名。如何。曰名者謂令名也。忠不終而躬逆。焉  
收令。或問淳于越。曰汝西諸問。曰始皇方虎捫而象。磔噬  
士猶腊肉也。越與九眉。終無撓辭。可謂伎矣。仕無妄之國。  
必無妄之粟。分無妄之楮。自令之間而不違。可謂曲矣。或

問第

問第。焦歷井幹之死。使始皇奉虛左。

之乘。蔡生欲安項威。

陽不能移。又亨之。其者未辯歟。曰生捨其木侯。當作候而謂

人木侯。亨不亦宜乎。焦逆許而順守之。雖辯。靡虎牙矣。或

問其羅之悟。呂不韋張辟。彊之覺。王勃者以十二齡。茂良

乎。曰才也。茂良不必父祖。或問酈合。以其說陳。留下救。君說

齊罷。歷下軍。何辯也。韓信襲齊。以自。脂鼎何訥也。曰夫辯

也者。自辯也。如辯人幾矣。或問蒯通。曰抵韓信不能下。又狂

之曰。方遭信閉。如其抵。曰嚙可抵乎。曰賢者司禮。小人司

嚙。沈拊健乎。或問李斯盡忠。胡亥七刑。忠乎。曰斯以留客

至作相。用狂人之言。從浮大海。立於心高之邪說。廢沙丘之

正阿。意督責焉。用忠霍。曰始元之。以擁少帝之微。摧燕上

見  
谷子

囊

卷之

子

三



陳餘  
張耳  
寶  
華夫

石  
金  
碑  
張  
安  
世  
丙  
吉

官之鋒處興廢之分堂堂乎忠難天哉至顯不終矣或問  
問焉唐面文帝得廉頗李牧不能一用也諒乎曰彼將有激  
也親屈帝尊以信亞夫之軍至頗牧有不用哉德曰罪不  
辜宮不女館不新陵不贊或問文曰仁問餘耳曰光初實  
灌曰凶終或問信曰不食其言請人曰晉荀息趙程嬰公  
孫杵臼秦大夫鑿穆公之側問義曰事得其宜之謂義或  
問季布忍焉可為曰能者為之明哲不為也或曰當布之  
急雖明哲如之何曰明哲不終項社如終焉攸避或問賢  
曰為人所不能請人曰顏淵黔婁西皓韋玄成問長者曰  
簡相如仲秦而屈廉頗樂布之不塗朱家之不德直不疑  
之不校韓安國之通使或問臣之自得曰石大僕之對金

將軍之謹張衛將軍之善慎邴大夫之不伐善請問臣之  
自失曰李貳師之執二田新連之濫帥韓馮翊之愬蕭趙  
京兆之犯魏或問持滿曰祝欽揚王孫保華以矯世曰矯  
世以禮保乎如矯世則葛藟尚矣或問周官曰之事左氏  
曰品藻人史遷曰實錄

淵源篇

仲尼之後迄于漢道德行顏回股肱蕭尊姜及右將尊卑  
之條稱述品藻漢魏卷或問淵源之徒惡乎在曰在寢或  
曰淵源局不疑曰筆龍蟠鳳翼翼以揚之勃家之其不  
可及乎如其寢如其寢七十子之於仲尼也日聞所不聞  
見所不見文章亦不足為矣君子絕德小人絕去或問絕



曰舜以羊為功，羊而功，羊而功，非絕德邪？力盡，武為獲，  
 任鄙，扛鼎，非力邪？或問勇，曰：軻也。曰：何軻也？曰：軻  
 也者，謂孟軻也。若判軻，君子盜諸，請問孟軻之義，曰：勇於  
 義而果於德，不以貧富貴賤死生動其心於勇也。其庶乎？  
 魯仲連，傷於萬，而不刺，庸相如制而不傷，或問無陽，曰：未  
 信而分疑，抗辭免置，幾矣哉。或問信陵平原，王孟春申，益  
 平，曰：上失其政，姦臣竊國命，何其益乎？擗里平之智也。使  
 知國如知葬，則吾以疾為著，龜周之項，越以成周，而西傾。  
 秦之惠文昭襄，以西山而東，并執愈，曰：周也。羊，秦也。狼，然  
 則狼愈歟？曰：羊，狼一也。或問蒙恬忠而被誅，忠矣，可為也。  
 曰：塹山，理谷，起信，沈擊，遼水，力不足而屍有餘，忠不足相

也。或問呂不韋，其智矣乎？以人易貨，曰：誰謂不韋智者歟？  
 以國易宗，呂不韋之盜穿窬之雄乎？穿窬也者，吾見擔石  
 矣，未見雒陽也。秦將白起，不仁矣，用為也。長平之戰，四十  
 萬人死，蚩尤之亂，不過於此矣。原野厭人之肉，川谷流人  
 之血，將不仁矣。用為翦，曰：始皇方獵六國而翦牙，歟。或問  
 要離，非義者歟？不以家辭國，曰：離也。火妻灰子，以及於慶  
 忌，實蛛螫之靡也。焉可謂之義也。政也。為嚴氏犯韓刺相  
 俠累，曼百為姊，實壯士之靡也。焉可謂之義也。軻也。為丹  
 奉於期之首，燕督亢之圖，入不測之秦，實刺客之靡也。焉  
 可謂之義也。或問儀秦，學乎鬼谷術而習乎縱橫言安中  
 國者，各十餘年。死夫曰：詐人也。聖人惡諸，曰：孔子讀而儀



秦行何如也。曰：甚矣。鳳鳴而驚翰也。曰：然則子貢不為歟。曰：亂而不解，子貢恥諸。說而不富，貴儀秦恥諸。或曰：儀秦其才矣乎。跡不蹈已。曰：昔在任人，帝曰：難之，亦才矣。才乎才，非吾徒之才也。美行，東園公、綺里季、夏黃公、角里先生、言辭、婁敬、陸賈、執正、王陵、申屠嘉、折節、周昌、汲黯、守儒、袁固、申公、災異、董相、夏侯勝、京房、或問、蕭曹、曰：蕭也、規曹也。隨、滕、灌、樊、鄒、曰：俠介、叔孫通、曰：槩人也、袁盎、曰：忠不足而談有餘、鬼錯、曰：愚酷吏、曰：虎哉、虎哉、角而翼者也、貨殖、曰：蚊、曰：血、國三千使將、陳、飲水、褐、博、沒、齒、然也、或問、循吏、曰：吏也、游俠、曰：竊國、靈也、佞幸、曰：不料而已、或問、近世社稷之臣、曰：若張子房之智、陳平之無悞、絳侯勳之果、霍將軍

張釋之信不疑尹翁歸三尊

之勇、終之以禮樂、則可謂社稷之臣、天或問、公孫弘、董仲舒、孰過、曰：仲舒欲為而不可得、弘容而已矣、或問、近世名卿、曰：若張廷尉之平、雋京兆之見、尹扶風之繫、王子貢之介、斯名卿矣、將曰：若條侯之守、長平、冠軍之征、伐、博、陸之持重、可謂名將矣、請問古、曰：鼓之以道德、征之以仁義、與尸血刃、皆所不為也、張騫、蘇武之奉使也、執節沒身、不屈王命、雖古之膚使、其猶劣諸、世稱東方生之盛也、言不純師行不純、表其流風、遺書、幾如也、或曰：隱者也、曰：昔之隱者、吾聞其語矣、又聞其行矣、或曰：隱道多端、曰：固也、聖言聖行、不逢其時、聖人隱也、賢言賢行、不逢其時、賢者隱也、談言談行、不逢其時、談者隱也、昔者箕子之添其身也、狂



接與之被其髮也欲去而恐罹害者也箕子之洪範接與之歌鳳也哉或問東方生名過實者何也曰應諾不窮正諫穢德應諾以優不窮似哲正諫似直穢德似隱請問名曰詼達惡比曰非夷齊而是柳下惠戒其子以尚容首陽為拙柱下為工飽食安坐以仕易農依隱玩世詭時不逢其滑稽之雄乎或問柳下惠非朝隱者歟曰君子謂之不恭古者高餓顯下祿隱安譽仁之賊也安毀義之賊也賊仁近鄉原賊義近鄉訕或問子蜀人也請人曰有李仲元者人也其為人也奈何曰不屈其意不累其身曰是夷惠之徒歟曰不夷不惠可否之間也如是則奚名之不彰也曰無仲尼則西山之餓夫與東國之結臣惡乎問曰王陽

論

貢禹遇仲尼乎曰明是結結華藻之力也歟曰若是則愛為不自高曰皓皓者已也引而高之者天也子欲自高邪仲元世之師也見其貌者肅如也聞其言者愾如也觀其行者穆如也但聞以德訕人矣未聞以德訕於人也仲元畏人也或曰青黃曰青黃也人畏其力而侮其德請條曰非正不視非正不聽非正不事非正不行夫能正其視聽言行者昔吾先師之濟畏也如響不響不響不言行不行雖有青黃其猶悔諸

君子篇

君子純德領聞盡迪檢抑一者關重則謹君子或問君子言則成文動則成德何以也曰以其則中而處於也故之揮



斤、拜之激矢、君子不言言、必有中也、不行、行必有稱也、或  
問君子之柔剛、曰、君子無也、柔於義也、剛於節、不漿  
衝不轟、有諸、曰、有之、或曰、八器固不用於小乎、曰、斯械也、  
君子不執、或問、孟子知言、之要、知德之要、曰、非苟知之、亦  
允蹈之、或曰、子小諸子、蓋一乎、非諸乎乎、曰、諸子者、以其知  
異於孔子者也、孟子異乎、一異、或曰、苟知非、教家之書、後  
他括切也、至于子思、孟子、曰、吾於荀、御、歎、見、同門而  
異戶也、惟聖人、為不異、牛、玄、駢、白、睥、而、角、其、非、諸、廟、乎、  
是以君子全德、或問、君子似玉、曰、純、溫、潤、澤、而、堅、玩、辭、  
而、廉、隊、乎、其、不可形也、或問、仲尼之術、用、而不、棄、大、而、不  
小、用、之、猶、牛、鼠、也、曰、仲尼之道、猶、四、寶、也、經、管、中、國、終、入、

大海、它人之道者、西北之流也、網紀夷貉、或入于沈、或淪  
于漢、淮南說之用、不如太史公之用也、太史公、聖人將有  
取焉、淮南解取焉、爾必也、儒乎、乍出乍入、淮南也、文麗用  
寡、長卿也、多愛、不忍、子長也、仲尼多愛、愛義也、子長多愛  
愛奇也、或曰、甚矣、傳書之不果也、曰、不果、則不果、夫人以  
玉、或問、聖人之言、炳若丹青、有諸、曰、吁、是何言、歟、丹青  
初則炳矣、則淪淪乎哉、或曰、聖人之道、若天、天則有常矣、  
奚聖人之多變也、曰、聖人固多變、子游子夏、得其言矣、未  
得其所以言也、幸我子貢、得其言矣、未得其所以言也、顏  
淵、閔子、得其行矣、未得其所以行也、聖人之書、言行天也、  
天其少變乎、或曰、聖人自恣歟、何言之多端也、曰、子未觀



禹之行水歟一東一北行之無礙也君子之行獨無礙乎  
如何直往也水避礙則通於海君子避礙則通於理君子  
好人之名而忘己之好小人好己之好而忘人之好或曰  
子於天下則誰與曰與天進者去或曰貪天位也慕天祿  
也何其與曰此貪也非進也夫進也者進於道慕於德股  
之以仁義進而進退而退曰享享而不知勸者也或曰進  
進則闕命矣請問退進曰昔子願以退爲進天下解儼  
焉或曰若此則何小於必退也曰必進易儼也必退易儼  
也進以禮退以義然進也或曰人有青死生同貧富同貴賤等則  
賤何如曰作此者其有權乎信死生齊貧富同貴賤等則  
吾以聖人爲器器通天地人曰儒通天地而不通人曰伎

人必先作然後人名之先求然後人與之人必其自愛也  
然後人愛諸人必其自敬也然後敬諸自愛仁之至也自  
敬禮之至也未有不自愛敬而人愛敬之者也或問龍龜  
鴻鵠不亦壽乎曰壽曰人可壽乎曰物以其性人以其仁  
或問人言仙者有諸乎曰吁吾聞伏羲神農黃帝堯舜  
殞落而死文王世孔子魯城之北獨子愛其死乎非人之  
所及也仙亦無益子之彙矣或曰聖人不師仙厥術異也  
聖人之於天下恥一物之不知仙人之於天下恥一日之  
不生曰生乎生乎名生而實死也或曰世無仙則焉得期  
語曰語乎者非養器也歟惟器器能使無爲有或問仙之  
實曰無以爲也 有與無非問也問也者忠孝之問也忠臣



孝子惺乎不惺或問壽可益乎曰德曰回牛之行德矣局  
壽之不益也曰德故尔如回之殘牛之賊也焉得尔曰殘  
賊或壽曰校也君子不妄有生者必有死有始者必有  
終自然之道也君子忠人况已乎小人欺已况人乎

孝至篇

孝莫大於寧親寧親莫大於寧神寧神莫大於四表之歡  
心讓孝至孝至矣一言而該聖人不加焉父母子之天地  
歟無天何生無地何形天地裕於萬物萬物裕於天地裕  
父母之裕不裕矣事父母自知不足者其舜乎不可得而  
久者事親之謂也孝子愛日孝子有祭乎有齋乎夫能存  
一形屬荒絕者惟齋乎故孝子之於齋見父母之存也是

以祭不省人而不祭豺獾乎或曰死生盡禮可謂能子乎  
曰石奮石建父子之美也無是父無是子無是子無是父  
或曰必也兩乎曰與堯無子舜無父不如堯父舜子也子  
有含菽緇絮而致滋美其親將以求孝也人曰偽如之何  
曰假儒衣書履而讀之三月不歸孰曰非儒也或曰何以  
處爲曰有人則作之無人則輟之之謂偽觀人者審其作  
輟而已矣不爲石之名其至矣爲名之名其次也或問忠  
言嘉謨曰言合稷契之謂忠謨合臯陶之謂嘉或曰邵如  
之何曰亦最之而已庠則秦儀鞅斯亦忠嘉矣堯舜之道  
皇兮夏訖以周之道將兮而以延其光兮或曰何謂也曰堯  
舜以其誼夏以其功殷周以其伐或曰食如蠶衣如華朱



輪駟馬、金朱煌煌、無已泰乎。曰由其德、舜禹受天下、不爲泰、不由其德、五兩之綸、半通之銅、亦泰矣。天下之通道、五所以行之者一、曰勉、或曰力、有扛洪鼎、揭華旗、智德亦有之乎。曰百人矣。德諾頑嚚、讓萬國、知情天地、形不測、有人乎。或問君曰明光、問臣曰若提、敢問何謂也。曰君子在上、則明而光其下、在下則順而安其上、或曰聖人事異乎。曰聖人德之爲事、異亞之故、常修德者本也、見異而修德者末也、本不修而存者、末之有也、天地之得斯民也、斯民之得一人也、一人之得心矣、吾聞諸傳、老則戒之在得、年彌高而德彌邵者、是孔子之徒歟。或問德有始而無終、與有終而無始也。孰寧。曰寧先病而後瘳乎、寧先瘳而後病乎。或問大曰小、問遠曰邇、未達曰夫下爲大、治之在道、不亦小乎。四海爲遠、治之在心、不亦邇乎。或問俊者、洪秀曰知哲、聖人之謂俊、秀穎德行之謂洪、君子動則擬諸事、事則擬諸禮、或問羣言之長、羣行之宗、曰羣言之長、德言也、羣行之宗、德行也。或問泰和、曰其在唐虞成周乎。觀書及詩、溫溫于其和可知也。周康之時、頌聲作乎下、關雎作乎上、習治也。齊桓之時、緼而春秋、美邵陵、習亂也。故習治則傷始亂也、習亂則好始治也。漢德其可謂允懷矣、苗支之南、大夏之西、東鞮北文來貢其珍、漢德其可謂允懷矣、世鮮焉、芒芒聖德、遠人咸慕上也。武義瑋瑋、兵征四方、次也。宗夷猾夏、蠢迪王人、屈國喪師、無次也。麟之儀儀、鳳之師

宗夷猾夏、蠢迪王人、屈國喪師、無次也。麟之儀儀、鳳之師



師其至六乎。螭虎桓桓，鷹隼戢戢，未至也。或曰：訕訕北夷，被我紀績，帶我金犀，珍膳寧鋤，不亦享乎？曰：昔在高文武實爲共主，今稽首來臣，稱爲北藩，是爲宗廟之神，社稷之靈也。可不享乎？龍堆以西，大漠以北，鳥夷獸夷，郡勞王師，漢家不爲也。朱崖之絕，捐之之力也。否則介鱗易我衣裳，君人百務在殷，民阜財，明道信義，致帝者之用，成天地之化，使粒食之民，粢也，晏也，享于鬼神，不亦饗乎？天道勞功，或問勞功，曰：日一日，勞考載，曰：功，或曰：君逸臣勞，何天之勞？曰：於事則逸，於道則勞。周公以來，未有漢公之懿也。勤勞則過於阿衡，漢興二百一十載而中天，其庶矣乎？辟靡以本之，校學以教之，禮樂以容之，輿服以表之，復其井

刑一人役直矣夫



皇極經世一

卷一

三





